



Early Journal Content on JSTOR, Free to Anyone in the World

This article is one of nearly 500,000 scholarly works digitized and made freely available to everyone in the world by JSTOR.

Known as the Early Journal Content, this set of works include research articles, news, letters, and other writings published in more than 200 of the oldest leading academic journals. The works date from the mid-seventeenth to the early twentieth centuries.

We encourage people to read and share the Early Journal Content openly and to tell others that this resource exists. People may post this content online or redistribute in any way for non-commercial purposes.

Read more about Early Journal Content at <http://about.jstor.org/participate-jstor/individuals/early-journal-content>.

JSTOR is a digital library of academic journals, books, and primary source objects. JSTOR helps people discover, use, and build upon a wide range of content through a powerful research and teaching platform, and preserves this content for future generations. JSTOR is part of ITHAKA, a not-for-profit organization that also includes Ithaka S+R and Portico. For more information about JSTOR, please contact support@jstor.org.

PYRAMUS UND THISBE.

Künde ich sprechen oder sagen,
 sône wolte ich niht verdagen,
 sagen von einem mære
 (daz ist alsô gewære
 unde sicherlichen wâr, . 5
 niht gelogen umbe ein hâr)
 von der minne meisterschaft.
 der gewalt unde ir kraft
 hie vor in alten zîten
 in aller werlt sô wîten 10
 was sô gar gezæme
 und alsô gar genæme
 daz einez durch daz ander starp
 und in der minne bande verdarp,
 als ich von zwein hôrte lesen 15
 unde wol wâr mac wesen.
 triegen liegen ist sô wert
 daz nieman guoter minne gert
 noch stæte triuwe wil tragen.
 dâ von wil ich iu sagen 20
 von einer ganzen friuntschaft
 unde ouch von der minne kraft
 diu vor ze einem mâle geschach,
 als uns diu wârheit verjach.
 ze Babilônje wârn gesezzen 25
 zwêne künige vermezzen,
 die heten beide kint niht mê
 wan Pyramum und Tyspê.

Die hs. Von Pyramo vñ Tispe Den zwein liebū geschah vil we.
 2. So 11. Waz ez so 12. als 18. 19. Daz niemant anders
 nit gert Guter minne noh stet t'w tragā: *die verbesserung so verderb-*
ter zeilen in einem gedichte weder guter zeit noch gebildeter kunst
mufs unsicher bleiben.

bî ein ander stuonden ir hûs.
 der knabe der hiez Pyramus. 30
 die herren wâren beide frô.
 der zweier kint seit man dô
 si wâren sô gar wunnelîch
 daz in nieman wære gelîch.
 si wurden eines tages geborn 35
 und wurdn in einer naht verlorn.
 si begunden ein ander minnen
 ê si sich kunden versinnen,
 ê si sehs jâr wurden alt.
 ir herze wart von minne kalt, 40
 und wolt vor hitze verbrinnen
 von ir stæten minnen.
 ditz triben si wol zehen jâr
 ê sîn die liute nâmen wâr:
 si begunden ez ze hove sagen. 45
 si woltenz lenger niht vertragen.
 daz wart den kinden leit,
 als uns daz buoch seit.
 des kômn diu kint in ungemach
 und wurden beide an frôuden swach: 50
 ir ietwederz wolte erlachen nie.
 was ez daz mans zesamen lie,
 ietwederz zuo dem andern sprach
 'wê mir wê und immer ach!
 wes habent si sich versunnen 55
 daz si habent begunnen
 uns von ein ander scheiden?
 wes wil man uns leiden
 des nieman solte ahten noch,
 und wâren wir vil alter joch 60
 an libe und ouch an muote.
 ach sûezer got der guote,
 ditz muoz uns gên ze herzen
 und macht uns grôzen smerzen.

29. stund 32. set 37. s. b. anander 41. woltû 42. Von
 irer steter minne 44. nem 46. nicht lenger 52. Ez daz man
 sei sam lie 57. ze schaidû

waz ist daz unser herze kelt, 65
 dà von der lip sô gar verselt?
 und ouwê, Minne, waz bist dû
 daz dû uns sô sere keltest nû?
 und solten wir dich strâfen,
 wir schriren über dich wâfen, 70
 wan wir niht minnen kunnen
 noch sîn nie begunnen.
 ouwê herze und sinne,
 wie müeze wir brinnen,
 uns mîden vor den liuten! 75
 waz sol daz bediuten?'
 solhe rede und dannoch mê
 mit sô grôzem herzen wê
 si mit ein ander retten
 swann si sîn state hetten. 80
 si wâren sô sêre behuot,
 swie flîzic was ir sender muot,
 daz si niht mohtn ein ander zuo
 weder spâte noch fruo,
 weder naht noch tac, 85
 wan dà ein mûre lac
 diu die fürsten von ein ander schiet:
 si mohten anders komen niet
 ze reden wan durch eine want
 vil hôch dà diu mûre schrant. 90
 des versach sich nieman.
 ze allen zîten kômens dran:
 ietwederz nam des andern war
 hînz daz im diu naht gar
 benam die kurzwîle. 95
 reht als von einem phîle
 ir herze wârn versêret,
 ir sendez leit gemêret,
 swenn si dannen muosten gân

66. verselt = verselwet *für* versalwet? 79. retetû 80. wann
 — hetû 82. wie 83. anander 87. Div die fest: *ich denke*
die 26 erwâhnten zwêne künige. von anander 98. In

PYRAMUS UND THISBE.

507

und si einander muosten lân. 100

diu naht wart in nie sô lanc:

als sêre si diu minne twanc.

in ir munt gar wênic kan

des si ze spîse solten hân,

weder âz noch transc, 105

diu Minne tet in manegen twanc.

si wârn vil nâhe verdorben

und in der minne erstorben.

ditz mohten si niht liden mê.

dâ von sprach frouwe Tyspê 110

‘Pyramus, mîn liep âmîs,

maht dû niht sîn alsô wîs

daz dû uns gebest einen rât

in der sache als ez nû stât?

wan mannes künne wîser ist 115

(sô vint uns etelichen list)

und sterker danne der wîbe.

ez mac niht mê belîben,

wir müezen zuo ein ander komen;

ez muoz uns immer fromen’ 120

sprach diu frouwe Tyspê:

‘nâch dîner minne ist mir wê.’

‘Tyspê, liebe frouwe mîn,

mîn sîn ist kleiner dan der dîn.

nû gip uns, frouwe, dînen rât. 125

mîn freude alliu an dir stât;

dû bist mîns herzen wunne,

ein spiegel als diu sunne.

ich hân keinen rât dan den dîn;

swaz dû mir râtest daz sol sîn.’ 130

dô sprach diu reine guote

‘betriegen sul wir die huote

noch hînaht vor der hanen krât;

sô wirt unser vil guot rât.

der mâne ist lûter unde klâr; 135

103. kam	105. azz	106. dank	111. liber	112. als
119. anander	124. da der dein		125. Du	130. Waz
133. hanc				

unser nimt niemen war;
 Vênus, der minne meisterin,
 diu tuot uns lihte ir hilfe schîn.
 swer ie getrûte der genas:
 wir sulen dar zuo niht sîn laz. 140
 ein boum vor dem walde stât,
 dâ man ab der strâzen gât
 von der stât niht verre:
 dâ kan uns niht gewerren.
 ûf die liechten heide 145
 suln wir îlen beide
 sô wir die wîle mûgen hân;
 daz sule wir durch niemen lân.
 dô sprach der schoene jûngelinc
 'mir gevellet wol daz dinc 150
 daz dû uns nû hâst geraten:
 des volge ich dir vil drâte.
 und ouwê, sûeziu minne
 dû hâst ouch mîne sinne,
 Tyspê, gar in dîner hant! 155
 dar umbe sî mîn sêl dîn phant
 daz ich durch die minne dîn,
 möht ich ein keiser gesîn,
 dir wolte ich wesen undertân:
 zeinem knechte solt dû mich hân. 160
 nâch dem unde ez nû stât
 hâst dû geben den besten rât.
 alsô schieden si von hin,
 und heten doch manegen sîn,
 doch wâren ir gedanke grôz, 165
 ir herze lîten manegen stôz,
 diu zît gie in mit sorgen hin,
 si heten manegen grôzen pîn.
 dô nû kom ûz diu zît
 diu dem tage ein ende gît 170
 und man si gên slâfen hiez

139. der gewâgte, der genas die wîle er unverzagte was *Liedersaal*
 2, 701. 154. auch gar mein sinne 157. Dz ist durch
 163. von dan in 165. gedenk

und man in die wîte liez
 und in dem hûse über al
 niemen hôrte keinen schal
 und mǎnnelich/slâfen was, 175
 si wâren beide niht ze laz
 unde wâren wol behuot;
 si stâlen sich von der huot.
 Tyspê diu tugentrîche
 diu was vil ungelîche 180
 komen ûf die strâzen
 ê sich moht abe gelâzen
 Pyramus ab der mûre

*

dô diu frouwe kam an die stat 185
 dô si im daz zeichen geben hât
 und si des herren niht envant,
 daz houbet nam si in die hant
 [si sprach] 'ouwê, lieber herre mîn,
 wâ maht dû sô lange sîn? 190
 wie ist mir diu zît sô lanc.
 got gebe uns guoten anevanc.'
 dô si zir selber alsô sprach,
 einen lewen si komen sach.
 er gie zuo dem brunnen sâ. 195
 der boum was vil nâhen dâ
 dâ diu frouwe under saz.
 ich wil ez iu bediuten baz
 war umbe er zuo dem brunnen gie
 und sich von dem walde lie: 200
 er het ein rint gezzen.
 dô was diu frouwe gesezzen,
 biz daz er ûf den brunnen gie,
 die frouwe ir kleider vallen lie
 und flôch vil wunderbalde 205
 hin gên dem wilden walde:
 dâ verbare si sich schône,
 aller tugende ein krône.
 der lewe zuo den kleidern gie,

mit bluotegem munde er sie gevie, 210
 von ein ander er si zarte,
 mit bluote er si bewarte.
 dô kam gegangen Pyramus:
 vertwelt het er sich in dem hûs:
 er vant diu kleider bluoticvar. 215
 gar balde nam er ir war;
 mit den armen er si umbe vie,
 als sie der lewe ligen lie.
 owê mir hiute und immer wê!
 ich muoz von schulden sagen mê. 220
 ach got, wer künde gesagen daz
 waz leides in sîm herzen was?
 ûz dem haupt brach er daz hâr
 mit den henden, daz ist wâr,
 daz gewant ab dem lîbe. 225
 ez wart nâch einem wîbe
 nie sô grôz ungehabe.
 mit den nageln zarte er abe
 daz fleisch mit der hiute.
 er sprach 'sô wê mir hiute! 230
 wê daz ich ie wart geborn!
 durch mich hât si den lîp verlorn.
 mîn wîp was si nie worden noch:
 si het sô grôze triuwe doch
 als wir tûsent jâr oder mêr 235
 in ganzer liebe gelebten her.
 ô Tyspê tugentrîche,
 wer wart dir ie gelîche
 an zuht, an tugent, an sælekeit?
 got het vil gar an dich geleit 240
 swaz er ie ersinnen kunde,
 sît diu werlt leben begunde,
 an allen guoten wîben.
 ich mag ez lân belîben,
 dîn lop, dîn zuht, dîn grôziu tugent 245
 wart nie gesehen in solher jugent,

214. Verquelt hat
ye het versunnen

222. Wes
242 leben chunde

236. gelebt her
246. solhe

241. Swaz er

noch niemen möhte haben gezalt,
 er wære wîse junc od alt,
 waz an ir grôzer tugent lac
 und waz si wîsheite phlac. 250
 wê mir, herre, diser nôt!
 ist diu frouwe durch mich tôt,
 daz weist dû wol, got der guote,
 daz wende ich mit mînem bluote:
 und weste ich wer ez hete getân, 255
 er müeste mir daz leben lân,
 ez wære man oder tier,
 ez würde im vergolten schier.
 sîst dû ein tier, sô kum her
 und bestant mich' sprach er. 260
 als er daz wort vollesprach,
 den lewen er komen sach.
 er ruofte in an mit grimme,
 mit senelîcher stimme.
 sprach er ze im 'du grimmez tier, 265
 ez wirt dir vergolten schier
 daz dû mir hâst getân:
 ich muoz dich und dû mich bestân.'
 daz wart fürbaz niht gespart.
 vil grimme er ûf den lewen wart. 270
 er stach den lewen, daz er gal,
 durch daz herze hin ze tal.
 alsô lac der lewe tôt,
 erstochen in dem bluote rôt.
 'owê, frouwe Tyspê, 275
 waz was ich niht komen ê?
 owê, liebiu frouwe mîn,
 und möhte ich für dich tôt sîn!
 sît des niht geschehen ist,
 sô lebe ich doch keine frist, 280
 ich welle doch durch dich sterben.
 möht ich aber ê erwerben
 umb dich, süezer herre Crist,

248. oder 249. grozzn 264. mit seiner leicher stimme
 276. War waz

wan dû unser schepfer bist,
 unser herre und unser got, 285
 durch din miltez gebot,
 daz dû unser sêlen liezest sîn
 bî ein ander, swâ der wille din
 si hin senden wolte.
 wan daz dâ niht ensolte 290
 daz wir mit frôuden lebten noch
 âne swær, sô wil doch
 sterben, frouwe, durch dich,
 daz du niht varest âne mich
 swâ er uns hin senden welle, 295
 ze dem himel oder zer helle.
 als er daz wort volgesprach,
 sîn swert er durch sîn herze stach.
 mit dem selben kom gegân
 diu frouwe von dem walde dan 300
 her wider dâ si diu kleider lie.
 herzen leit si dô gevie,
 dô si die wârheit ervant
 unde ir rehte wart bekant
 daz sich Pyramus het erstochen 305
 und sîn leit dâ mite gerochen
 durch ir willen. dô sîn vant,
 dô hete er ir gewant
 umbevungen mit den armen.
 [si sprach] 'herre got, lâ dir erbarmen 310
 die jâmerlîche nôt.
 mîn lieber âmis ist tôt.
 lebst dû noch, sô sprich ze mir,
 wan ich was ie getriuwe dir,
 sît ich mich êrste kunde verstân, 315
 mit ganzen triuwen âne wân.'
 si tet sô jâmerlîche
 daz nie wart gelîche
 mit klage umb keinen menschen nie
 als frouwe Tyspê hete hie. 320

288. Pei anander wa
 310. dirs

293. frouwe *fehlt*.

307. si

sus hôte er si wuofen,
 in herzen leide ruofen.
 swie sêre er mit dem tôde ranc,
 doch er sîn ougen ûf twanc
 und sach si jâmerlichen an 325
 vor im weinende stân.
 sîn reden was gar dâ hin:
 daz wart der frouwen ungewin.
 alsô sach si in sterben
 und durch ir minne verderben. 330
 [si sprach] 'herre got, lâ dich erbarmen
 über mich vil armen.
 daz ist ein nôt vor aller nôt
 daz ich muoz sehen dînen tôt
 und ich dir niht gehelfen mac 335
 und alliu tugent an dir lac
 und ich von liebe scheide:
 daz tuot mîm herzen leide.
 ach sūeziu reine bernde tugent,
 miltez herze in reiner jugent, 340
 ûz erweltiu minne,
 waz gap dir ie die sinne
 daz dû dir daz leben hâst genomen?
 war umb was ich niht ê komen?
 daz muoz mich immer riuwen; 345
 mîn leit daz muoz ich niuwen
 an mir selben, daz ist wâr
 und niht erlogen umbe ein hâr.
 ich was dir liep und niht leit
 und was daz niht kunterfeit. 350
 des sol ich niht vergezzzen,
 ich muoz dir wider mezzzen
 recht als dû mir verlihen hâst.
 dîn tôt ist mir ein überlast,
 daz tôt mit tôde gelten muoz; 355
 mir wirt anders nimmer buoz

323. Wie 324. ougen ûf] aus über auf 332. mich Zispe vil
 333. ist fehlt. 337. von hertzen liebe 338. meinen 341. Frau
 Venus auz 349. lieb vñ du mir sa 350. gunterua

daz ich dich verloren hân.
 owê, wie sol ez mir ergân!
 mîn herze ist mir ze herte
 ze dîner tôdes verte: 360
 ich solte sîn vor leide tât,
 dô ich dich sach in diser nôt.
 swer sich nû rehte kan verstân
 in ganzer minn, wie kan der lân
 daz er mir niht hilfet klagen 365
 daz hie ze tôde lît erslagen
 mînes herzen wünne.
 swer mir des nû günne,
 dem müeze nimmer ergân
 dar umbe er sich müez alsô hân. 370
 swer nû mit minne sî begriffen
 oder mit herzen liebe besliffen,
 dem müeze ez ze herzen gân.
 diu minne kan niht mâze hân.
 adel, schoene und rîchheit, 375
 gewalt, sterke und wîsheit,
 und swaz man singet oder seit,
 und swaz ein mensche fröude treit,
 der wirt vil gar vergezzen,
 swen minne hât besezzen. 380
 wê mir, ach und immer wê,
 mir vil armer Tyspê!
 war umb sach ich niht ander leit?
 wan ez mir in mîn herze sneit.
 von dînem tôde ist mir wê: 385
 mîn herze smilzet als der snê.
 swie wênic wir haben gelebt,
 diu minne hât uns überstrebt.
 des leides wirt mir nimmer rât:
 dîn tât mich niht leben lât: 390
 von dînem tôde ist mir wê:
 ân dich wil ich niht leben mê.

361. von laide sein 369. nymmer widerfarû 370. also müz
 klagû 372. peflissû 373. ez furpaz ze 379. man da von s.
 380. Swem 388. überstrest 389. mir *fehlt*.

ach mîn liebiu muoter,
 künic vater guoter,
 iuwer groziu huote 395
 kumt uns niht ze guote.
 iuwer vorhte hât uns vlorn.
 wê mir daz ich ie wart geborn!
 dîn minne gât mir ze herzen:
 ich wil des tôdes smerzen 400
 lîden hie an diser stunt:
 ich mac niht lenger sîn gesunt.
 kein dinc mac daz erwenden;
 mîn leit daz muoz sich enden.'
 si hiels in unde küste, 405
 vil wol si des gelüste.
 si huop ûf ir hende
 ein wênic vor ir ende,
 si sprach 'owê, süezer got,
 nû tuo daz durch dîn gebot 410
 und durch die grôzen milte dîn
 und lâz uns dort beinander sîn
 in jener welt, des bite ich dich,
 süezer got, des wer mich.
 und würde uns ein grap bereit, 415
 des wærn die sêlen vil gemeit.
 müge, herre, daz gesîn,
 sô tuo mir ein zeichen schîn
 ob wir ze gnâde mügen komen
 und ob ez uns müge gefromen.' 420
 ein grôz zeichen dô geschach,
 dô sich frou Tyspê alsô rach.
 ein boum stuont dâ, hiez môrus,
 dô daz zeichen geschach alsus:
 man seit uns für die wârheit 425
 daz der boum sît immer treit
 rôt obez, daz ê was swarz,
 und hât einen balsemsmac.
 Tyspê diu rehte getriuwe

405. chüstn 411. grozz 412. pei nander 414. gewer
 423. da der hiez m. 428. het *fehlen zwei verse?*

mit grôzer jâmers riuwe 430
 mit beiden armens umbevie
 daz swert daz durch in gie
 vil wundermanlichen;
 si stach ez krefticlichen
 mitten an die werde brust 435
 unde erzeugte ir herzen lust;
 si stach sich durch ir herze
 und leit des tôdes smerzen;
 si viel hin ûf den warmen
 und umb vie in mit den armen. 440
 alsô sint sie hie gevarn:
 got müez die sêlen dort bewarn.
 dô ez morgens tagete
 und man ze hove sagete
 daz nieman die selben kinde 445
 datze hove kunde vinden,
 dô wart vil grôz ungehabe.
 si suochten ûf unde abe,
 biz in dô kômen mære
 wie ez ergangen. wære. 450
 wer möhte nû gesagen daz,
 wie wê ir muotr und vater was
 daz ir kint nû lâgen tôt,
 erstochen in ir bluote rôt.
 si schriren lûte und wiefen, 455
 ze gote si dô riefen
 daz ir jâmer unde ir gal
 in den lûften wider hal.
 beide man unde wîp
 klageten ir lîp. 460
 ez künde nieman gesagen
 von den jâmerlichen klagen:
 dâ von wil ich geswîgen sâ
 wie ez ergangen ist aldâ.
 doch wil ich iu fûrbaz sagen 465
 wie diu kint wurden begraben.

430. grozz 431. arm si in vmb vie 445. kind 452. vñ iren
 vater 455. lawt waffen 456. rufftū

ein grap wart in bereit
 dar in si wurden geleit.
 vernemt alle besunder
 wie ein grôzez wunder 470
 geschach in kurzer frist,
 als man ez noch von in list.
 ein wînrebe wuohs ûz dem grabe
 vil hôch und lie sich her abe
 ze der andern sîten in daz grap; 475
 ir schaten si dar über gap.
 durch daz wunder man daz grap ûf brach,
 daz wîp und man daz wunder sach
 daz diu selbe rebe hie
 von einem in daz ander gie. 480
 dô si gesâhn daz wunder,
 daz dûhtes alle besunder
 ein vil grôzez zeichen
 und begunden alle smeichen.
 daz grap dakt man wider zuo, 485
 umb ir sêlen bâtens spâte unt fruo.
 ditz mære ist hie ûz gezalt:
 got mache uns mit fröuden alt.

480. Von ainen grab in

*Aus der s. 496 erwähnten Wiener handschrift bl. 20^a—24^a.
H.*

ZU NEIDHART.

GRIESHABERS BRUCHSTÜCKE.

Die oberen hälften zweier pergamentblätter in octav, mit zierlicher schrift des vierzehnten jahrhunderts, von dem besitzer, herrn professor und geistlichen rath Grieshaber in Rastadt, der ihrer in der vorrede seiner ausgabe altdeutscher predigten I s. XI schon erwähnt hat, mir freundlich mitgetheilt. die fünf letzten zeilen des zweiten blattes von einer andern hand. die beiden blattzahlen Lvij und Lxiiij, oben auf der rückseite der blätter, zeigen den umfang der handschrift, die wohl nur neidhartische